

МОЛИТВОСЛОВ

на каждый день седмицы



Сборник
Татьяна Владимировна Коршунова
Молитвослов на
каждый день седмицы
Серия «Никейский свод»

Текст предоставлен правообладателем

http://www.litres.ru/pages/biblio_book/?art=39414738

Молитвослов на каждый день седмицы.: Никея; Москва; 2018

ISBN 978-5-91761-889-0

Аннотация

Молитвослов содержит утреннее и вечернее молитвенное правило, три канона и последование ко Святому Причащению, утреню и повечерие (из Часослова), каноны, читаемые на утрени и повечерии (из Октоиха), тропари и кондаки, пасхальные песнопения, помянник.

Содержание

| | |
|-----------------------------------|----|
| Молитвы утренние | 5 |
| Молитвы на сон грядущим | 19 |
| Конец ознакомительного фрагмента. | 30 |

Молитвослов на каждый день седмицы

*Допущено к распространению Издательским советом
Русской Православной Церкви ИС*

Р18-807-0265



**НИКЕЙСКИЙ
СВОД,**



Молитвы утренние

Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси: Во имя Отца и Сына и Святаго Духа. Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы без поспешности и со вниманием сердечным:

Молитва мытаря

Бже, милостив буди мне грешному. (Поклон)

Молитва предначинательная

Господи Иисусе Христе, Сыне Божий, молитв ради Пречистой Твоей Матери и всех святых, помилуй нас. Аминь.

Слава Тебе, Бже наш, слава Тебе.

Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися во ны, и очисти ны от всякия скверны, и спаси, Блаже, души наша.

[От Пасхи до Вознесения вместо этой молитвы читается тропарь:

Христос воскрес из мертвых, смертию смерть поправ и сущим во гробех живот даровав. (Трижды)

От Вознесения до Троицы начинаем молитвы со «Святый Боже...», опуская все предшествующие.

Это замечание относится и к молитвам на сон грядущим.]

Трисвятое

Святый Боже, Святый Крепкий, Святый Безсмертный, помилуй нас.

(Читается трижды, с крестным знаменем и поясным поклоном.)

Слава Отцу и Сыну и Святому Духу, и ныне и присно и во веки веков. Аминь.

Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Молитва Господня

Отче наш, Иже еси на Небесех!

Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари Троичные

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Святеси, Боже, Богородицею помилуй нас.

Слава Отцу и Сыну и Святому Духу.

От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

И ныне и присно и во веки веков. Аминь.

Внезапно Судия придет, и коегождо деяния обнажатся, но страхом зовем в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз)

Молитва ко Пресвятой Троице

От сна встав, благодарю Тя, Святая Троице, яко многия ради Твоея благодости и долготерпения не прогневался еси на мя, лениваго и грешнаго, ниже погубил мя еси со беззаконь-

ми моими; но человеколюбствовал еси обычно и в нечаянии лежащаго воздвиглмя еси, во еже утревати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечном, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареву нашему Богу. *(Поклон)*

Приидите, поклонимся и припадём Христу, Цареву нашему Богу. *(Поклон)*

Приидите, поклонимся и припадём Самому Христу, Цареву и Богу нашему. *(Поклон)*

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое.

Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесах Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются

кѡсти смиренныя. Отврати лице Твое от грех моих и вся беззаконія моя очисти. Сердце чисто созиждиво мнѣ, Бѡже, и дух прав обновѣ во утробѣ моеѣ. Не отвержи мене от лица Твоего и Духа Твоего Святаго не отыми от мене. Воздаждь ми радость спасенія Твоего и Духом Владычним утверди мя. Научу беззаконныя путемъ Твоимъ, и нечестивии к Тебѣ обратятся. Избави мя откровѣй, Бѡже, Бѡже спасенія моего; возрадуется языкъ мой правде Твоеѣ. Господи, устне мои отверзеши, и уста моя возвестятъ хвалу Твою. Яко аще бы восхотѣл еси жѣртвы, дал быхъ убо: всесожженія не благоволиши. Жѣртва Бѡгу дух сокрушенъ; сердце сокрушенно и смиренно Бог не уничижитъ. Ублажи, Господи, благоволеніемъ Твоимъ Сиона, и да созиждутся стѣны Иерусалимскія. Тогда благоволиши жѣртву правды, возношеніе и всесожегаемая; тогда возложатъ на олтарь Твой тельцы.

Символъ веры

¹ Вѣрую во единаго Бѡга Отца, Вседержителя, Творца Небу и земли, видимымъ же всемъ и невидимымъ. ² И во единаго Господа Иисуса Христа, Сына Бѡжія, Единороднаго, Иже от Отца рожденнаго преждевсехъ векъ; Свѣта от Свѣта, Бѡга истинна от Бѡга истинна, рожденна, несотворенна, единосущна Отцу, Имже вся быша. ³ Нас ради человеки нашего ради спасенія сшедшаго съ небесъ и воплотившагося от Духа Свята и Маріи Дѣвы, и вочеловѣчшася. ⁴ Распятаго же за

ны при Понтийстем Пилате, и страда́вша, и погребённа. ⁵ И воскреса́ша в тре́тий день по Писа́нием. ⁶ И возше́дшаго на небеса́, и се́дяща одесну́ю Отца́. ⁷ И па́ки гряду́щаго со сла́воюсудити живы́м и ме́ртвым, Егóже Ца́рствию не бу́дет конца́. ⁸ И в Ду́ха Свята́го, Го́спода, Животворя́щаго, Иже от Отца́ исходя́щаго, Ижесо Отце́м и Сы́ном спокла́няемаи ссла́вима, глаго́лавшаго проро́ки. ⁹ Во еди́ну Святу́ю, Соборну́юи Апóстольскую Цёрковь. ¹⁰ Испове́дую еди́но креще́ние во оставле́ниегрехов. ¹¹ Ча́ю воскресе́ния ме́ртвых, ¹² и жи́зни бу́дущаго ве́ка. Ами́нь.

Молитва 1-я, святого Макария

Великого Б́же, очисти́ мя грешна́го, я́кони́коли́же сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́ недосто́йная и восхвалю́ и́мя Твоёсвятое́, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Молитва 2-я, того же святого

От сна воста́в, полуно́щную песнь приношу́ Ти, Спа́се, и припа́дая вопию́ Ти: не даждь ми усну́ти во грехо́вней сме́рти, но ущедри́ мя, распны́йся во́лею, и лежа́щаго мяв ле́ности ускори́в воста́ви, и спаси́мя в предсто́янии и моли́тве, и посне но́щнем возсия́й ми день безгре́шен, Христе́ Б́же, и спаси́ мя.

Молитва 3-я, того же святого

К Тебѣ, Владыко Человеколюбче, от сна воста́в прибегаю, и на дела Твоя́ подвиза́юся милосѣрдием Твои́м, и молю́ся Тебѣ: помози́ ми на всякое время, во всякой ве́щи, и изба́ви мя от всякия мирскія злы́я ве́щи и диавольскаго поспешѣния, и спаси́ мя, и введи́ в Царство Твое́ вѣчное. Ты бо еси́ мой Сотворитель и всякому бла́гу Промысленник и Податель, о Тебѣже все упова́ние моѣ, и Тебѣ сла́ву возсылаю, ны́не и прѣсно и во ве́ки веко́в. Ами́нь.

Молитва 4-я, того же святого

Го́споди, Иже мно́гою Твоею́ бла́гостию и вели́кими щедро́тами Твои́ми дал еси́ мне, рабу́ Твоему́, мимоше́дшее время но́щи сея́ без напа́сти преи́ти от всякаго зла противна; Ты Сам, Владыко, всяческих Тво́рче, сподоби́ мя и́стинным Твои́м све́томи просвещѣнным се́рдцем творити во́лю Твою́, ны́не и прѣсно и вове́ки веко́в. Ами́нь.

Молитва 5-я, св. Василия Великого

Го́споди Вседержителю, Бо́же сили всякия плóти, в вы́шних живы́й и на смире́нныя призира́яй, сердца́ же и утробы́ испытúяй и сокровѣ́нная челове́ков я́ве предвѣды́й, Безнача́льный и Присносу́щный Све́те, у Него́ же несть преме́нение, или́ преложѣния осене́ние; Сам, Безсме́ртный Царю́, приими́ моле́ния на́ша, я́же в настоя́щее время, на мно́же-

ство Твои́х щедро́т дерза́юще, от скве́рных к Тебе́ усте́н тво́ри́м, и оста́ви нам прегреше́ния на́ша, я́же де́лом, и сло́вом, и мы́слию, ве́дением, или́ неве́дением согреше́нная на́ми; и очи́стины от вся́кия скве́рны плóти и ду́ха. И да́руй нам бо́дренным се́рдцем и трéзвенною мы́слию всю настоя́щаго жити́я но́щь преи́ти, ожида́ющим прише́ствия све́тлаго и явле́ннаго дне Единоро́днаго Твоего́ Сы́на, Го́спода и Бо́га и Спа́са на́шего Иису́са Христа́, в о́ньже со сла́вою Судия́ всех при́дет, кому́ждо отда́ти по делóм его́; да не па́дше и обле́нившеся, но бо́дрствующе и воздви́жени в де́лание обря́щемся гото́ви, в ра́дость и Божéственный черто́г сла́вы Его́ сови́дем, иде́же пра́зднующих гласнепреста́нный, и неизрече́нная сла́дость зря́щих Твоего́ лица́ добро́ту неизрече́нную. Ты бо еси́ и́стинный Свет, просвещáяй и освящáяй вся́ческая, и Ты поёт вся тварьво ве́ки веко́в. Ами́нь.

Молитва 6-я, того же святого

Тя благослови́м, вы́шний Бо́же и Го́споди ми́лости, тво́рящаго при́сно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшаго нам сон воупоко́ение не́мощи на́шея, и ослабле́ние трудо́в многотру́дная плóти. Благодарим Тя, я́ко не погуби́ле си́ нас со беззако́ньми на́шими, но человеколю́бствовал еси́ обы́чно, и в неча́янии лежа́щая ны воздви́глеси́, во е́же славосло́вити держа́ву Твою́. Те́мже мо́лим безме́рную Твою́ бла́гость, просвети́ на́ша мы́сли, очеса́, и ум наш от тя́жкаго сна ле́ности

возста́ви: отве́рзи на́ша уста́, и испо́лни я Твоего́ хвале́ния, я́ко да возмо́жем непоколе́блемо пе́ти же и испо́ведатися Тебе́, во всех, и от всех сла́вимо́му Бо́гу, Безнача́льному Отцу́ со Единоро́дным Твои́м Сы́ном и Всесвяты́м и Благо́ими Жи- вотворя́щим Твои́м Ду́хом, ны́не и прісно и во ве́ки веко́в. Ами́нь.

Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пе́сни укрепі́, уны́ния сон отгоня́ющи. Свя́зана плени́цами грехопаде́ний, мольба́ми Твои́ми разреши́, Богоневе́сто. В но́щи мя и во дни сохра́няй, борю́щих враг изба́вляю́щими. Жизнода́теля Бо́га ро́ждшая, умерщ- вле́на мя страстьми́ оживи́. Яже Свет невече́рний ро́ждшая, ду́шу мою́ ослепшу́ю просвети́. О дивна́я Влады́чня пала́то, дом Ду́ха Божества́нна мене́ сотвори́. Врача́ ро́ждшая, уврачу́й ду́ши моея́ многоле́тныя стра́сти. Волну́ющася житей- скою́ бу́рею, ко стези́ мяпокая́ния напра́ви. Изба́ви мя огня́ ве́чнующаго, и че́рвия же зла́го, и та́ртара. Да мя не яви́ши бесо́м ра́дование, и́же мно́гим грехо́м повинника́. Но́ва со- твори́ мя, обетша́вшаго нечу́вственными, Пренепоро́чная, согреше́нии. Стра́нна му́ки вся́кия покажи́ мя, и всех Вла- ды́ку умоли́. Небе́сная ми уллучи́ти весе́лия, совсе́ми свя- ты́ми, сподоби́. Пресвята́я Де́во, услы́ши глас непотре́бнаго раба́ Твоего́. Струю́ дава́й мне слеза́м, Пречи́стая, ду́ши моея́

скверну очищаючи. Стенания от сердца приношу Ти непрестанно, усердствуй, Владычице. Молэбную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилэжно умоляючи; Емуже честь и поклонение подобает, ныне и присно и во веки веков. Аминь.

Молитва 8-я, ко Господу нашему Иисусу Христу

Многомилостиве и Всемилостиве Бже мой, Гбсподи Иисусе Христе, многия ради любви сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать и дар, но долг паче. Ей, многий в щедротах неизреченный в милости! Веруй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вераже вместо дел да вменится мне, Бже мой, не обрящеши бо дел отнюд оправдающих мя. Но та вера моя да довлет вместо всех, та да отвещает, та да оправдит мя, та да покажетмя причастника славы Твоея вечныя. Да не убо похитит мя сатана, и похвалится, Слове, еже оторгнути мя от Твоея руки и ограды; ноили хошу, спаси мя, или не хошу, Христе Спасе мой, предвари скоро, скоро, погибох: Ты

бо еси Бог мойот чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лени тощно, якоже поработах прежде сатане лживому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно и вовеки веков. Аминь.

Молитва 9-я, к Ангелу хранителю

Святый Ангеле, предстояй окаянной моей души и страстной моей жизни, не остави мене грешного, ниже отступи от мене за невоздержание мое. Не даждь места лукавому демону обладати мною, насильством смертного сего телесе; укрепй бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянных моея души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем, и достойна покажет мя раба Своея благодати. Аминь.

Молитва 10-я, ко Пресвятой Богородице

Пресвятая Владычице моя Богородице, святыми Твоими и всеильными мольбами отжени от мене, смиренного и окаянного раба Твоего, уныние, забвение, неразумие, нера-

дѣние, и вся сквѣрная, лукавая и хульная помышлѣния от
окаяннаго моего сѣрдца и от помрачѣннаго ума моего; и по-
гаси пламень страстей моих, яко нищ есмь и окаянен. И из-
бави мя от многих и лютых воспоминаній и предприятий,
и от всехъ дѣйствъ злыхъ свободи мя. Яко благословѣнна еси от
всехъ родовъ, и славится пречестное имя Твое во вѣки вѣковъ.
Аминь.

Молитвенное призывание святого, имя которого носишь

Моли Бога о мне, святыи угодниче Божий (имя), яко азъ
усердно к тебѣ прибегаю, скорому помощнику и молитвен-
нику о душѣ моеи.

Песнь Пресвятой Богородице

Богородице Дѣво, радуйся, Благодатная Маріе, Господь с
Тобою; благословѣнна Ты в женахъ и благословѣн плодъ чрева
Твоего, яко Спаса родила еси душъ нашихъ.

Тропарь Кресту и молитва за Отечество

Спаси, Господи, люди Твоя, и благослови достояние Твое,
побѣды православнымъ христиа́номъ на сопротивныя даруя, и
Твое сохраняя Крестомъ Твоимъ житѣльство.

Молитва о живыхъ

Спаси, Господи, и помилуй отца моего духовнаго (имя),

родителей моих (имена), сродников (имена), начальников, наставников, благодетелей (имена их) и всех православных христиан.

Молитва о усопших

Упокой, Господи, души усопших раб Твоих: родителей моих, сродников, благодетелей (имена их) и всех православных христиан, и прости им вся согрешения вольная и невольная, и даруй им Царствие Небесное.

Окончание молитв

Досто́йно есть яко воистину блажить Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Словоарождшую, сущую Богородицу Тя величаем.

[От Пасхи до Вознесения вместо этой молитвы читается припев и ирмос 9-й песни пасхального канона:

Ангел вопияше Благодатней: Чистая Дево, радуйся! И паки реку: радуйся! Твой Сын воскрес три дневен от гроба и мертвыя воздвигнувый; людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Это замечание относится и к молитвам на сон грядущий.

щим.]

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Го́споди, поми́луй. (*Трижды*)

Го́споди Иису́се Христé, Сы́не Бо́жий, моли́тв ра́ди Пре-чи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй нас. Ами́нь.

Молитвы на сон грядущим

Во имя Отца и Сына и Святаго Духа. Аминь.

Молитва предначинательная

Господи Иисусе Христе, Сыне Божий, молишь ради Пречистой Твоея Матере, преподобных и богоносных отцов наших и всех святых, помилуй нас. Аминь.

Слава Тебе, Боже наш, слава Тебе.

Молитва Святому Духу

Царю Небесный, Утешителю, Душе истины, иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое

Святый Боже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Молитва ко Пресвятой Троице

Пресвятая Троице, помилуй нас; Господи, очисти грехи наша, Владыко, прости беззакония наша; Святый, посети и

исцели́ нѣмощи на́ша, и́мене Твое́го ра́ди.

Господи, помилуй. (*Трижды*) Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Молитва Господня

Отче наш, Иже еси́ на Небесѣх! Да святѣтся и́мя Твое́, да приидет Ца́рствие Твое́, да бу́дет во́ля Твоя́, я́ко на Небесѣ, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставляем должникомъ на́шим; и не введи́ нас во искуше́ние, но изба́ви нас от лука́ваго.

Тропари

Помилуй нас, Господи, помилуй нас; всякаго бо отвѣта недоумѣюще, сию́ Ти моли́тву я́ко Влады́це грѣшнии приносим: помилуй нас.

Сла́ва Отцу́ и Сы́ну и Свято́му Ду́ху.

Господи, помилуй нас, на Тя́ бо упова́хом; не прогне́вайся на ны зело́, ниже́ помяни́ беззаконий на́ших, но прѣзри и ны́не я́ко благоутро́бен, и изба́ви ны от враг на́ших; Ты бо еси́ Бог наш, и мы лю́дие Твоѣ́, вси дела́ руку́ Твое́ю, и и́мя Твое́ призыва́ем.

И ны́не и прѣсно и во ве́ки веко́в. Ами́нь.

Милосѣрдия двѣри отвѣрзи нам, благословѣнная Бого́родице, надѣющиися на Тя́ да не погѣбнем, но да изба́вимся Тобо́ю от бед: Ты боеси́ спасѣние рѣда христиа́нскаго.

Господи, помилуй. (*12 раз*)

Молитва 1-я, святого Макария Великого, к Богу Отцу

Бóже вѣчный и Царю всякаго создáния, сподóбивый мя да́же в час сей dospéти, прости ми грехи́, яже сотвори́х в сей день дѣлом, слóвом и помышлѣнием, и очисти, Гóсподи, смиренную мою́ дýшу от всякíа сквѣрны плóти и дýха. И даждь ми, Гóсподи, в но́щи сей сон прейти́ в мíре, да востáв от смиреннаго ми лóжа, благоугождý пресвятóму и́мени Твоему́, во всядни животá моего́, и поперу́ борющíа мя враги́ плотскíа и безплóтныа. И избáви мя, Гóсподи, от помышлѣний сýетных, оскверняющих мя, и пóхотей лука́вых. Яко Твое́ есть Цáрство и сíла и сла́ва, Отца́ и Сы́на и Свята́го Дýха, ны́не и прíсно и во вѣки веко́в. Амíнь.

Молитва 2-я, святого Антиоха, ко Господу нашему Иисусу Христу

Вседержителю, Сло́во Отчее, Сам совершѣн сый, Иисýсе Христѣ, мно́гаго ра́ди милосѣрдíа Твоего́ никогда́же отлучайся менѣ, раба́ Твоего́, но всегда́ во мне почивáй. Иисýсе, добрый Пáстырю Твои́ховец, не преда́ждь менѣ крамолѣ зми́ине, и желáнию сатанину́ не оста́ви менѣ, я́ко сѣмя тли во мне есть. Ты ўбо, Гóсподи Бóже поклоня́емый, Царю́ Святы́й, Иисýсе Христѣ, спя́ща мя сохрани́ немерца́ющим свѣтом, Дýхом Твои́м Святы́м, Имже освяти́л еси́ Твоя́ ученики́. Даждь, Гóсподи, и мне, недостóйному рабу́ Твоему́, спасѣние

Твоё наложи моём: просвети ум мой светом разума свя-
таго Евангелия Твоего, душу любовьию Креста Твоего, сердце
чистотою словесё Твоего, тело моё Твоею страстию безст-
растною, мысль мою Твоим смирением сохрани, и воздвиг-
ни мя во время подобно на Твоё славословие. Яко препрос-
лавлен еси со Безначальным Твоим Отцем и с Пресвятым
Духом во веки. Аминь.

Молитва 3-я, ко Пресвятому Духу

Господи, Царю Небесный, Утешителю, Душе истины,
умилосердися помилуй мя грешнаго раба Твоего, и отпу-
сти ми недостойному, и прости вся, елика Ти согреших днесь
яко человек, паче же и не яко человек, но и горее скота,
вольная моя грехи и невольныя, ведомыя и неведомыя: яже
от юности и от науки злы, и яже суть от наглства и уныния.
Аще именем Твоим кляхся, или похулих е в помышлении
моём; или кого укорих; или оклеветал кого гневом моим, или
опечалих, или о чем прогневахся; или солгал, или безгодно
спал, или нищ прииде ко мне, и презрех его; или брата мое-
го печалих, или свадих, или кого осудих; или развеличах-
ся, или разгордехся, или разгневахся; или стоящу ми на мо-
литве, ум мой о лукавствии мира сего подвижеся, или раз-
вращение помыслих; или объядохся, или опихся, или без ума
смеяхся; или лукавое помыслих, или доброту чуждую виде-
в, и тою уязвлен бых сердцем; или неподобная глаголах, или
греху брата моего посмеяхся, моя же суть безчисленная со-

грешения; или о молитве нерадих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прослаблю пречестное имя Твое со Отцами Единородным Его Сыном, ныне и присно и во веки. Аминь.

Молитва 4-я, святого Макария Великого

Что Ти принесу или что Ти воздам, великодаровитый Безсмертный Царю, щедре и человеколюбче Господи, яко ленящаяся мене на Твое угодение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, едине Безгрешне, яже Ти согреших в сей день, ведением неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во

сла́ве, и неосу́ждённа ны́не сном усну́ти сотвори́, и без меч-
та́ния, и несму́щен по́мысл раба́ Твоего́ соблюди́, и всю са-
танину́ де́тель отжени́ от мене́, и просвети́ ми разу́мныя о́чи
серде́чныя, да не усну́ в смерть. И послѣ ми Ангела́ ми́рна,
храни́теля и наста́вника ду́ши и те́лу моему́, да изба́вит мя
от враг моѣх; да воста́в со одра́ моего́, принесу́ Ти благодар-
ственныя мо́льбы. Ей, Го́споди, услы́шима грѣшнаго и убѣга-
го раба́ Твоего́, изволе́нием и со́вестию; да́руй мивоста́вшу
словесе́м Твоѣм поу́чѣтися, и уны́ние бесѣвское далѣче от
мене́ отгна́но бы́ти сотвори́ Твоѣми Ангелы; да благослов-
лю́ и́мя Твое́ свято́е, и просла́влю, и сла́влю Пречи́стую Бо-
горо́дицу Марию́, Ю́же дал еси́ нам грѣшным заступле́ние, и
приими́ Сию́ моля́щуюся за ны; вем бо, я́ко подража́ет Твое́
человеколю́бие, и моля́щися не престаёт. То́я заступле́нием,
и Честна́го Креста́ зна́мением, и всех святы́х Твоѣх ра́ди,
убѣгую́ ду́шу мою́ соблюди́, Иису́се Христе́ Бо́же наш, я́ко
Свят еси́, и препросла́влен во ве́ки. Ами́нь.

Молитва 5-я

Го́споди Бо́же наш, е́же согрѣших во дни сем сло́вом,
де́лом и помышле́нием, я́ко Благ и Человеколю́бец прости́
ми. Ми́рен сон и безмяте́жен да́руй ми. Ангела́ Твоего́ хра-
ни́теля послѣ, покрыва́юща и соблюда́юща мя от всякаго зла,
я́ко Ты еси́ храни́тель ду́шам и телесе́м на́шим, и Тебе́ сла́ву
возсыла́ем, Отцу́ и Сы́ну и Свято́му Ду́ху, ны́не и при́сно и
во ве́ки веко́в. Ами́нь.

Молитва 6-я

Господи Боже наш, в Негоже веровахом, и Егоже имя паче всякаго имене призываем, даждь нам, косну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити дела и словесы; да добродетельное жителство восприемлюще, обетованных не отпадём благих Твоих, яко благословен еси во веки. Аминь.

Молитва 7-я, святого Иоанна Златоуста

(24 молитвы, по числу часов дня и ночи)

¹ Господи, не лишь мене небесных Твоих благ. ² Господи, избави мя вечных мук. ³ Господи, умом ли или помышлением, словом или делом согреших, прости мя. ⁴ Господи, избави мя всякаго неведения и забвения, и малодушия, и окамененнаго нечувствия. ⁵ Господи, избави мя от всякаго искушения. ⁶ Господи, просвети мое сердце, еже помрачи лукавое похотение. ⁷ Господи, аз яко человек согреших, Ты же, яко Бог щедр, помилуй мя, видя немощь души моя. ⁸ Господи, послй благодать Твою в помощь мне, да прославлю имя Твое святое. ⁹ Господи Иисусе Христе, напиши мя раба Твоего в книзе животней и даруй ми конец благий. ¹⁰ Господи

Бóже мой, аще и ничтóже блага сотвори́х пред Тобóю, но даждьми по благодáти Твоёй положíti началó благое. ¹¹ Гóсподи, окропи́ в сёрдце моём росу́ благодáти Твоёя. ¹² Гóсподи небесé и земл́и, помяни́ мя грéшнаго раба́ Твоегó, стúднаго и нечи́стаго, во Цáрствии Твоём. Амíнь.

¹ Гóсподи, в покая́нии приими́ мя. ² Гóсподи, не оста́ви мене́. ³ Гóсподи, не введи́ мене́ в напа́сть. ⁴ Гóсподи, даждь ми мысль блага́. ⁵ Гóсподи, даждь ми слéзы, и па́мять смёрт-ную, и умилéние. ⁶ Гóсподи, даждь ми по́мысл исповéдания грехóв мо́их. ⁷ Гóсподи, даждь ми смире́ние, целомúдрие и послуша́ние. ⁸ Гóсподи, даждь ми терпе́ние, великодúшие и крóтость. ⁹ Гóсподи, всели́ в мя ко́рень благíх, страх Твой в сёрдце моё. ¹⁰ Гóсподи, сподóби мя любíti Тяот всея́ души́ моея́ и помышлéния и творíti во всем волю́ Твою́. ¹¹ Гóсподи, покрýй мя от человекé не́которых, и бесóв, и страстéй, и от всякия́ инья́ неподóбныя вéщи. ¹² Гóсподи, вéси, я́ко тво-ри́ши, я́коже Ты во́лиши, да бúдет во́ля Твоя́ и во мне грéш-нем, я́ко благословéн еси́ во вéки. Амíнь.

Молитва 8-я, ко Господу нашему Иисусу Христу

Гóсподи Иисúсе Христé, Сы́не Бóжий, ра́ди честнéйшия Мáтере Твоея́, и безплóтных Твои́х Ангел, Проро́ка же и Предте́чи и Крестите́ля Твоегó, богоглаго́ливых же апóстол, свётлых и добропобéдных мучени́к, преподóбных и богонос-

ных отец, и всех святых молитвами, избави мя настоящего обстояния бесовскаго. Ей, Господи мойи Творче, не хощай смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкйся, исторгни мя от окаянства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получиши блаженства Твоя: на Тя бо, Господи, уповах, спаси мя.

Молитва 9-я, ко Пресвятой Богородице, святого Петра Студийского

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часе паки тажде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога

моего: да мя спасёт, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.

Молитва 10-я, ко Пресвятой Богородице

Благаго Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобою рай да обрящу, Богородице Дево, едина Чистая и Благословенная.

Молитва 11-я, ко святому Ангелу хранителю

Ангеле Христов, хранителю мой святой и покровителю души и тела моего, вся ми прости, елика согреших во дневний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достоин мя покажеша благодати и милости Всесвятыя Троицы и Матере Господа моего Иисуса Христа и всех святых. Аминь.

Кондак Богородице

Взбранной Воеводе победительная, яко избавльшися от

злых, благодарственная восписуем Ти раби Твой, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.